


# 一萍詩州




MR  
7226  
260

聲泰仁兄學長存正

祁陽李俊英

一  
廿  
評  
詩  
草

右任



3 1761 2281 4

一萍詩草序

俊幼受書家塾稍長出就外傳最苦記誦之學獨於詩好反復吟詠不置默而識之如出自然亦有所作然隨作隨棄無存者民國二十七年夏抗戰軍不利倭艦轆轤蔽大江而上沿贛鄂間要塞迭不守武漢旦夕可危時國立武漢大學本部已遷川而研究院留漢俊在院不得去江漢望族雷女士師昭與俊相識經年過從頗密倉卒間隨家入蜀握別江干兩情繾綣不禁憮然俊之存詩蓋自此始也自後風雨晦冥客中無賴之際負背行吟撫髭默詠輒有所成閱時十稔哀成百數十首時丁亂離大抵感物興悲憂國懷親之作也一官作宰行將一年公退之暇

間與當地賢達唱酬聞有是草紛紛請出付梓爰不自揣  
乃公諸世豈以詩鳴亦聊供同好云耳是爲序

民國三十六年 月于寧岡官廨

# 目錄

一 東南人士麇集漢上候船西行而大局洶洶師昭

勢亦不能再留慨然書七律

二 師昭自宜昌來書謂搭差船西上匆匆首途未及

相告越日薄暮渡江感而書此七律


三 夜泊萬縣偕王鄭曾劉諸先生遊西山公園書此

紀念

四 重慶書懷七律

五 渝中紀事

七絕  
十二首



(南)

六 過敘府聞惠陽失陷 七律

七 秋日同畢勝山張克明鄭孝齋石任球夏道平諸

兄遊烏尤聯句 七律

八 嘉定蘇道 上七律

九 菩薩蠻

除夕感懷和顏其坤兄見懷之作時其坤自西康寄示近作凡數十首見懷其一也

十 和劉博平先生戊寅除夕感懷 七律

十一 調笑令 憶江南

十二 送陳兄伯奇入都書此誌別 五律

十三 病中書懷 七律

十四 感懷並呈樊理川兄 七律

十五 在嘉州懷里中樊理川唐紫弋並哭唐仰之七律

十六 在嘉州懷仲弟逸樵七律

十七 在嘉州遙誠季弟雪樵七律

十八 寓中夜坐有懷師昭七律

十九 在嘉州聞水清姪客死於桂並感舊事泣而書此

以呈海清兄七律

二十 在嘉州懷洛陽夏道平七律

二一 在嘉州懷重慶張克明七律

二二 在嘉州聞五叔六十晉一鄰友戚族稱觴壽之喜

而書此以誌其事並呈五叔

叔字輝生  
七律

二三

寓中書懷跡師昭

時師昭在牛花溪  
定華中學教學

二四

焚膏七律

二五

遼寧事變十週紀念感懷七律

二六

在嘉州聞江兄潔先年來竹城之遊無分晝夜所

負甚鉅而顏色憔悴尤可慮時予四蜀浮沉了

無善狀書此並跡潔先兄七律

二七

得樊理川兄自桂林手書告以改儒業經商之故

並云唐子逸家計奇絀江潔先龜以賭憔悴先

是聞潔先在會垣納妾抑其憔悴別有故耶書

此以呈理川並跡子逸潔先兩兄七律

二八 問學成都蕭公權先生因遊武侯祠望江樓七律

二九 道出郫縣小住七律

三十 遊灌縣觀都江堰並上青城山七律

三一 在嘉州接秦州顏兄其坤手書書此以呈其坤兄

七律

三二 感懷七律

三三 讀伯岳大人雷銓衡先生難中雜咏一束感而書

此以呈伯岳七律

三四 聞政府請伯岳大人雷銓衡先生出任某法院院長一職伯岳來諭亦有經筑入都之說久不見

來書此並呈伯岳七律

三五

秋夜獨酌懷嘉州周大璞畢勝山石任球諸兄時  
予供職白沙國立編譯館而周畢石諸兄均在

武漢大學任教七律

三六

辛巳除夕書懷眎師昭七律

三七

辛巳除夕懷嘉州周大璞畢勝山重慶張克明洛

陽夏道平七律

三八

石任球兄將自嘉定赴藍田國立師範學院之聘

來函相告書此誌別並懷劍老

七律  
兩首

三九

寓中獨酌有感七律

四十 接周思明兄自耒陽來書感而書此 七律

四一 接周思明兄自耒陽來書頗有謙抑之辭書此勉

之兼呈叔祁先生 七律

四二 沙嘯崖兄自湘來江津教學自白沙泛舟會之 七律

四三 夏兄道平自洛入蜀再遊嘉州有詩並索和次韻

爲報 七律

四四 蕭師公權見和舊作次韻爲報 七律  
三首

四五 偕王兄炳蔚遊北溫泉 七絕

四六 壬午除夕書懷 七律  
二首

四七 癸未初度客北碚杖失重置漫識 七絕

四八 癸未清明書懷 七律

賀

四九 譚同學嶽泉兄自交通部新簡湖北建廳詩以和

之嶽泉兄與故行政院長組安先生爲同宗 七律

五十 承樊師綴秋推薦白沙國立女子師範學院謝院

長相邀講學以先進中央團部服務不克去詩

謝樊先生並乞轉報謝院長 七律

五一 乙酉春正八日三十五歲初度書懷 七律  
三首

五二 次蕭師公權先生甲申除夕書懷韻呈奉哂正 七律  
三首

五三 敵降喜賦 七律

五四 敵降喜賦一律承葉熊涂袁四先生先後見和因

依前韻書近感並以奉酬七律

五五 敵降既久家書不至煩憂賦此七律

五六 外患方平內難突起不得歸鄉先輩袁儀初先生

旅寓江北不時寄眎新詩以慰岑寂此依其冬  
至不得出川韻成律奉酬予雖久慕儀初先生

生平而相識則自近始七律

五七 皮公皓白先生東歸有日袁儀初先生詩以送之

示予囑和因依韻成律呈皮先生並眎儀初先

生七律

五八 敵降還都過城陵磯磯爲入湘門戶國事靡盬不

得歸感賦 七律

五九

還都過武漢見瘡痍滿目先是舟中十餘日與外  
絕緣既抵武漢驚悉內戰有擴及全國之勢慨

然書此 七律

六十

吳承燕翼予先生自臨川寄眎中秋書懷兩首並  
索和次韻爲報時予新宰寧岡翼予先生寧岡

風雅士善書畫詩歌 七律  
二首

六一

出席江西全省行政會議途中雜賦 五律  
八首

(一) 曉發新城向七溪嶺行進

(二) 七溪嶺積雪道中

(三)自永新沿禾川東下

(四)遇敏弟對飲適值予生辰前夕

(五)夜雨

(六)別吉安北望時共黨倡亂徐州大戰已起

(七)車陷新淦邊鄙

(八)到南昌赴會

一 萍詩草

祁陽李俊一萍撰

東南人士麇集漢上候船西行而大局洶洶師昭勢  
亦不能再留慨然書此

半壁東南糜爛盡扶携百萬望西移荒蕪桑土胡塵滿風  
雨河山鶴唳悲相識有緣江漢上吾生不幸亂離時懸知  
此別無窮盡握手低徊思不支

師昭自宜昌來書謂搭差船西上匆匆首途未及相  
告越日薄暮渡江感而書此

江干風物自依然此夕經行感萬千倩影莫親垂柳下深

情空憶晚風前相逢應恨三年晚臨去何慳一面緣寂寞  
船頭西悵望遠山漠漠黯雲煙

夜泊萬縣偕王鄭曾劉諸先生遊西山公園書此紀  
念風雨同舟百感并萬州城郭息征程平江煙景連山翠  
近岸燈光映水明古樹參天濃作態清溪出澗暗流聲河  
山半壁成焦土尚有名園慰客情

重慶書懷

十載飄零恨自知萍蹤今日更西移連天烽火鴉聲急異  
地關河雁影遲故國破殘餘蠟淚高堂寂寞嘆烏私孤裘  
偶顧風塵滿季子低徊幾度疑

渝中紀事詩

襯衫褶皺亂如鱗玉手纖纖熨取新泥我揚風輕打扇蚊  
兒愛上女兒身

烹調細理態閑閑捧出佳釀錦一般還與窓前相對飲一  
樽紅暈上朱顏

一庭夜色鎖窓櫺靜坐沉沉影共形寂寞兩情無著處飛  
蛾上下一燈青以上百節

一灣秋水碧如油兩岸青山翠黛浮鳥語花香人欲醉釵  
光帽影一扁舟

雕龕女像粉華新稽首頻頻若個真學士何因怪迷信蛾

眉倒豎一波瞋

僊女洞以上南溫泉

江村歷歷沐清暎去去雲山賸黛痕舟到北塘人正靜柳梢月上過黃昏

迴闌並倚悄無言暗裏香聞欲斷魂忽恐夜涼羅袖薄要他偎我借餘溫

星眼明眸一脈秋臨塘復怯下塘游浪來偶呬三分水扶到塘邊喘不休

以上北溫泉

懸崖峭壁峙孤巒獅子峯高攀躋難一步一攜臨絕頂共

看下界兩心寒

獅子峰

山環水繞路縈回幾許亭臺倚勝開竹影蟾光風弄處闌

珊小步並行來北碚公園

差肩捉弄古龕前巧得籤筒第一千怪煞神仙亦幽默無

端浪說結良緣老君洞

曉風殘月早秋天江上驪歌倍可憐倦極小盹驚又醒羅  
衣正爲覆胸前海棠溪

### 過叙府聞惠陽失陷

征程千里倍艱辛喜得江城爭旅塵武侯山影西南接滇粵江

聲日夜下金岷平蠻點將隔岸頭江諸葛武侯點將臺在焉兵威舊避地投荒客

淚新報道惠陽令又陷蟲沙無限可憐人

秋日同畢勝山張克明鄭孝齊石任球夏道平諸兄遊烏

尤聯句

六

扁舟載酒上烏尤，箬綠陰濃磴道幽。張克明落葉有聲來客屐，

蒼崖無語吻江流。夏道千注經人去臺仍在，漢爾雅鑿石功多頌。

未休。烏尤即離堆秦太守李冰鑿俯仰不知有魏晉，白雲冉冉繞書樓。蘇子讀書樓

嘉定蘇稽道上

十日嘉城九晦暝，喜晴間自出郊垌。桑田一望連天碧，麥

隴千尋壓地青。流水石橋通竹筏，槿籬茅舍繞蔬町。園林

清福今誰屬，飄泊天教字一萍。

菩薩蠻

除夕感懷和顏其坤兄見懷之作時其坤自西康寄示近作八數十首見懷其一也

空庭寂寞離懷積，寒燈無語幽光碧。爆竹報新春，含顰尚

有人有人舊愁何日了新恨添多少難得兩相憐長箋更

短箋

其坤詞云自傳華髮垂垂老不如往日俱年少月夜一扁舟東湖未倦遊我思黃叔度夜靜恨風雨相別已多時應多惜別詩

### 和劉博平先生戊寅除夕書懷

離首男兒爲國殤書生忍死此徜徉民情不薄猶中古樹  
葉長青擬帝鄉累葉興亡容檢討衰時詞賦費平章傳經  
更有劉中壘百仞宮牆許外望

時予旁聽劉先生所授音韻學及訓詁學劉先生詩云壯不如人未足傷前疏爭余與成霜解頤詩說題

匡鼎致養兼珍憶仲長廿載恩師匪面命五更歸夢幾迎腸延年願請蓬山藥猶可追來學楚狂

### 調笑令 憶江南

漢上漢上正是鶯飛草長幾家歌舞新聲扇底燈前品評  
評品評品敵騎中原馳騁

送陳兄伯奇入都書此誌別

流離來蜀地同邑得三人故國兵戈滿岷江歲月新東行  
應暫別南望每傷神  
澹上秋光好胡兒莫問津

時敵陷南寧北進  
又在湘北蠢動

病中書懷

涼秋卧病守江濱夜聽秋濤感喟頻  
簞食肯尋顏子樂緼袍何惜仲由貧  
十年遲暮孤懷澹四海飄零兩鬢新  
二豎逼人還苦瘡可憐床榻骨嶙峋

感懷並呈樊理川兄

不願菱花雙並影鴛鴦乞予另尋盟  
待人以德招人惱一犬吠形百犬聲  
耿耿此心鑒上帝悠悠衆口累清名  
多君

爲我嘗分謗何日雲開月再明

在嘉州懷里中樊理川唐紫弋並哭唐仰之

竹馬當年稱四友祇今零落賸三人遙憐宿草吾猶哭還  
悵停雲影不親意氣端仍投分舊鬢毛只恐與時新買舟  
歸計誰能定夙起江頭每憶莼

在嘉州仲弟逆樵

風鶴江城日數驚輕裝減從向西行原鵠雪急淒清影旅  
雁天長斷續聲菽水四年勞獨任劍書廿載愧無成何當  
風雨對床夜却話天南地北情

在州遙誠季弟雪樵

總角人誇五鳳姿，奈何自棄十年時。  
素絲染色吾徒泣，懸岸回韁爾應知。  
小宛詩人著桑扈，高樓王者惜荆枝。  
自憐旅食天涯路，春草池塘夢久馳。

寓中夜坐有懷師昭

南渡衣冠紛入蜀，相偕還至沫江濱。  
亦艱粒米因餐薯，縱典金釵豈救貧。  
作飯澣衣真累汝，讀書學劍未如人。  
無端更向花溪去，夜雨春燈牘一身。

在嘉州聞水清姪客死於桂並感舊事泣而書此以呈海清兄

地到蠶叢江湖源，王孫日夜憶家園。  
何堪東野傳家報，况

使西河撫痛痕坏土幾年應化物天涯何處可招魂蒼蒼  
播弄令如此我欲乘風叩帝闕

在嘉州懷洛陽夏道平

縱談午夜不知倦對飲千杯不肯休十載相交如一日半  
年離別感三秋雪風伊洛迷征馬烽火關河滯客舟與子  
重遊在何日臨江北望使人愁

在嘉州懷重慶張克明

漢水看成胡馬飲琴書先後入嘉州晨昏共影三年客風  
雨關情一日秋寶劍祝君辭玉匣緼袍笑我傲狐裘陪都  
親友如相問座擁書城我尚留

原爲壁擁圖  
書欲汗牛

在嘉州聞五叔六十晉一鄰友戚族稱觴壽之喜而書此

以誌其事並呈五叔

叔字輝生

玉堂拜舞筍聯班祝嘏人人帶醉顏華富不曾輸北阮壽  
年今更慶南山香躋寶鼎煙飛篆松長珠庭鶴去還獨惜  
未能襄盛會臨風額手在江關

寓中書懷眎師昭

時師昭在牛花溪  
震華中學教學

負笈西來幾度春青衿翠袖兩相鄰廚艱薪米卿原苦室  
有圖書我未貧不是屠龍甘縮手已成騎虎敢抽身花溪  
煙景當佳勝寂寞岷江此岸人

於  
膏焚

焚膏繼晷坐書城欲向羲和乞幾程著作只應期白首文章何以惠蒼生百年易過黃梁夢千載難留青史名撫劍盱衡豪氣在莫教糟粕誤生平

遼寧事變十週紀念感懷

四海風雲顰鼓震十年戎馬始遼陽故都文物飄零久僞府衣冠夜飲狂何限寡孤檻樓短誰家姬妾綺羅長頗聞樞府有明令恩澤何由到下方

在嘉州聞江兄潔先年來竹城之遊無分晝夜所負甚鉅而顏色憔悴尤可慮時予四蜀浮沉了無善狀書此並眎潔先兄

聞說方城長劇戰。南風不競禍方興。垂堂不坐千金子。潔先無兄

弟以一身承二  
桃家頗殷實

溟海應飛萬里鵬。襪被芒鞋仍故我。白雲蒼樹憶

良朋。

白雲山兒時  
同學之地

相逢未必終無日。只恐相逢淚眼凝。

得樊理川兄自桂林手書告以改儒業經商之故並

云唐子逆家計奇絀江潔先以睹憔悴先是聞潔  
先在會垣納妾抑其憔悴別有故邪書此以呈理

川並眎子逸潔先兩兄

萬里欣承雙鯉遺。何堪讀罷轉生悲。夷吾貧絀非無故。公  
瑾清灑却爲誰。未許相如馳駟馬。頗憐商隱換初衣。少年  
志氣今何在。許是英雄養晦時。

問學成都蕭公權先生因遊武侯祠望江樓

十載坐帷懸擬董一朝問學喜逢春古城差似漢唐舊平  
野初開豆麥新松柏風霜仰丞相枇杷煙雨弔佳人風流  
功業都陳迹俯首低徊幾愴神

望江樓唐女校書薛濤井及石像在焉枇杷成陰

### 道出鄆縣小住

千里征途七尺身鵲城小駐一行巡鄆筒井繞官衙檻

晉山濤嘗

宰鄆縣戍竹爲筒以作酒器並於衙中鑿井以釀酒今井在縣署中題曰鄆筒井

誕降碑封客路塵

據云宋司馬溫公之父實爲鄆推官仁愛在民溫公卽生於此故鄆人立

碑紀

揚子亭新基礎舊

子雲亭

望叢陵舊草花新

古望帝叢帝之陵

子規莫爲

催耕急愁煞天涯寂寞人

### 遊灌縣觀都江堰並上青城山

山影幢幢迤北去江流滾滾向南衝天師道業傳魔石

降魔石

太守功勞見伏龍

伏龍寺祀秦太守李冰父子

百派水分田萬畝一聲鐘散蜀

千峰我來三五千年後渺渺情懷孰去從

在嘉州接秦州顏兄其坤手書書此以呈其坤兄

天遣岷山限隴蜀北風多便雁身輕經營端應留青史述  
作深虞惹罵名萬里播遷遊子恨十年離別故人情何當  
共擢東湖裏水正清時月正明

### 感懷

舟車來往一身輕四蜀浮沉歲幾更萬里書生干祿意五  
年慈母倚閭情功名何物人因老世局狂瀾我亦驚何日

歸來三徑裏月移松影夜陰清

讀伯岳大人雷銓衡先生難中雜咏一束感而書此

以呈伯岳

百劫餘生一卷詩幾回吟誦惹嗟咨  
李陵塞北河梁恨庾信江南故國悲  
袍笏登場羞傀儡  
蕨薇逃命見孤危  
文章氣節高當世何日南容展拜時

結婚時初未  
一瞻像集範

聞政府請伯岳大人雷銓衡先生出任某法院院長  
一職伯岳未諭亦有經筑入都之說久不見來書  
此並呈伯岳

冰霜峻節古今難蘇武歸來舉國歡邸報新傳頒察命星

輶何日到長安甘棠蔽菱留遺愛明鏡晶瑩發巨奸十載  
東山今再起白頭華髮老秋官

秋夜獨酌懷嘉州周大璞畢勝山石任球諸兄時予  
供職白沙國立編譯館而周畢石諸兄均在武漢  
大學任教故人星散越千里斗酒獨傾意不豪聞蛩偶然  
傷馬齒割鷄何日試牛刀硯田清苦無今昔裘馬雍容幾  
俊髦一代士夫憑作育橋門泌水仰風高

辛巳除夕書懷眎師昭

亂離入蜀原非計幾度今宵感不支烏養久虛長有恨雁  
行中斷可勝悲人生六十平分日事業百年未始時爲語

吾卿毋進酒千杯縱有莫能爲

辛巳除夕懷嘉州周大璞畢勝山重慶張克明洛陽

夏道平

客中何物遣今宵重展新詩慰寂寥白雪歌麝佳句夥紅

茅酒好故人遙

紅茅酒  
沙名酒

如雲世局工奇詭似水交情見久要

何日東歸同度歲洪山菜又長春苗

半與前與諸兄肄業武昌節令  
至輒以洪山菜台炒火腿下酒

石任球兄將自嘉定赴藍田國立師範學院之聘來

函相告書此誌別並懷劍老

李師劍老任球鄉先輩也去秋亦已來藍  
田國師學前兩來函告以近數年間以

匪學空蒙城鄉間遠徒不定係以爲苦雨發後  
成二毛談話逾一小時則腦中發熱如火云

峨眉山上欖棚古弄影叢阿不易尋良匠十年求自試棟

材一日下雲岑折腰升斗誰予薄知己生平爾獨深此去  
歸程共雲路臨風瞻望若爲心

一別程門歲幾更展函百感爲交并鬢毛原是時相異衰  
病何堪日見嬰喬木百年懷碩老弦歌六載忝諸生便中  
爲請加餐飯故國飄搖賴老成

寓中獨酌有感

短檠長壺日自擎茫茫宇宙一盱衡刀兵未惜龍蛇鬪牙  
角偏憐鼠雀爭歲祿萬鍾譏肉食秋風兩袖覺身輕長河  
自足供饘飲杯酒生平不用營

接周思明兄自耒陽來書感而書此

依然薄宦此羈留。放眼京塵擾不休。每歎歲華消翰墨，只堪文酒許風流。經年俯仰多新感，一曲低徊憶舊遊。去去風濤三峽險，片帆何日下荊州。

接周思明兄自耒陽來書，頗有謙抑之辭，書此勉之。

兼呈叔祁先生

叔祁先生，思明叔也。曾任師長，繪軍符並代理湘省主席。思明原學美術，嗣亦習軍旅。

衡浦雁迴覺眼明，琳琅讀罷感心生。湘軍曠代推文正，騷賦何人繼屈平。潦倒渾由詩作祟，功名寧與藝相成。虎頭燕頤封侯相，看取餘風細柳營。

沙嘯崖兄自湘來，江津教學自白沙泛舟會之。

關河勞望幾年期，異縣相逢喜可知。倦旅漸知世路險，勞

生猶見歲寒枝

原爲  
發韻

乾坤終遇弢弓日牛馬寧無稅駕時肯

與歸田返初服衡山之下可棲遲

夏兄道平自洛入蜀再遊嘉州有詩並索和次韻爲報

嘉陽亂世弦歌地一日驅車更往尋閭別舊交重聚首萬  
方多難此登臨西南文物存諸老明宋興亡鑑古今風雨  
關山飛羽急燈前誰識去留心

道平詩云蜀中最愛嘉州好千里關山不可尋秋永  
伊人夢遠夢春風輕燕喜重臨銅峽合注分清濁伊

洛遊神侃古今縹渺烏尤  
應識我丹崖仍是去時心

蕭師公權見和舊作次韻爲報

嘉陵江上客身輕風雨晨昏歲序更斗室豆燈天下志藥  
爐茶鼎病中情文章知己因緣重牛馬故人故舊驚何日

揚亭重問字一天霽月晚風清

孤芳自賞世相輕三省吾身日一更貧不賣書見素志病  
須戒酒淡詩情半刀每恨鷄豚小馬齒頻添歲月驚鄭重  
吾師多慰勉幾年面壁待時清

狼煙四野羽書輕世局翻雲日幾更豪傑中原逐鹿意疏  
狂濠上看魚情言詩端木羞言貨受寵尼山若受驚幾首

陽春慙和寡猶吟但覺一心清

肅先生詩云浮雲富貴半心輕飄泊西南歲月更四  
壁圖書今古意一身家國亂離情詩從劍外登樓得

夢度衡陽斷雁驚不言山居陽氣滿羅袖時伴人清  
有債解成斯地酒多情才人把病二秋憤浩氣橫胸二豎為神助佳占欣勿崇許微古禮待時清

鳴幽落葉晚風輕靜卧山堂聽五更夢但釣天詩  
偏冠分

得世相輕自笑操刀月一更問字客倚身有暇退鋒郎老髮無情心虛  
舊宿盤能飽酒壽黃唐夢易驚和就新詩還朗誦聲儔白雪也為清

偕王兄炳蔚遊北溫泉

碧水澄波漱石流紫山紅葉入深秋亂離有酒莫辭醉身  
似江湖一葉舟

炳蔚詩云羣山奔赴東江流一壑風來萬  
頃秋如北煙波如此畫可能著我一扁舟

壬午除夕書懷

去國光陰竝馬程年年今夕感新生携家飄泊還離別隨  
牒推移孰重輕潦倒詩歌多苦韻亂離杯酒寡歡情祁陽  
叔姪屠蘇會序飲遙知間一觥

濁酒連杯取次斟煩憂悄悄苦侵尋交游海內懷湘客兒  
女燈前盡蜀音絕學亂時甘秘晦壯懷病裏肯銷沉沔沔  
莫瀛興衰淚三戶亡秦證古今

附適中和詩云離懷入夢梅花冷驛路來書春草生  
莫賦新愁侵悄悄且飲殘酒輕輕歲除人感流離

昔世難誰同胞與情相約北泉寓語候傾心同畫雨三觥  
圖宰狗汚新名留待屠龍報好音歲日日生傷老大心為形役

書校石渠天祿富應忘人爵等閑尋莫  
既浮沉並殍我亦無魚鼓蹕缺何須論古今

癸未初度客北碚杖失重置漫識

亂離伴我越山川一夕相違幾慨然肯破兼金重買杖扶  
持新運度中年

癸未清明書懷

歲月匆匆駒過隙塵顏何計却新紋不曾捧檄卅年晚長  
使倚閭五內焚愛日昏黃堂背草東風料峭故山墳西來  
幾度清明日每聽啼鵲淚雨紛

譚同學嶽泉兄自交通部新簡湖北建廳詩以賀之

嶽泉兄與故行政院長組安先生爲同宗

衡湘間氣一門鍾奕葉簪纓正未窮開國功勳推冢宰中

興事業作司空雄邦得佐羣情慰樞府飛聲物望隆豈爲  
彈冠始相慶行看施設婉張公

意謂張文襄公也

承樊師綴秋推薦白沙國立女子師範學院謝院長  
相邀講學以先進中央團部服務不克去詩謝樊  
先生并乞轉報謝院長

師生契分非凡誼博士遴材薦舉殷絕學豈容深自祕此  
身無柰已難分勞形簿領從今始悅耳弦歌久不聞乞報  
白沙謝祭酒秋風珍重爲斯文

乙酉春正八日三十五歲初度書懷

三首

閣筆經年不作詩亂離帕入楚人辭烽煙客裏人初度春

草塘前夢久違

季弟欲入蜀來依忽阻於寇音訊杳然

時卉繽紛新蝶滿寒梅寂寞美

人遲薄田江上應無恙跣足耕耘我尚宜

人生七十屆中年自笑生涯只硯田絕學幾人傳並世孤  
懷無柰昧時賢民胞物與誰輕重猿鶴蟲沙等萬千何日  
太平見玉帛衣冠揖讓舊壇前

流年似水暗心驚華髮新從客裏生親舍白雲烏養恨故

山黃土雁行情

仲弟病亡於里予在蜀不得一訣

紛紜羽檄傳兵警鹽轆驢車苦

道程怕憶十年前舊事弦歌載舞武昌城

鈔附郭慰農先生和作心折仙才白也詩驚人慣作激昂辭會

看奮展凌雲志

珍愛慘然瘦鶴空學步料原嗤我拙知音翻恨識君遲相逢樂道安儒素濯足滄浪濁亦宜

漢皋

波闊路三千浮家也是多佳趣兒女盈盈鏡膝前

韶華回首漫心驚人

曉過春意生綠草漸侵南浦路紫

次蕭師公權先生甲申除夜書懷韻呈奉哂正

興衰默默自論回，庾信江南不用哀。  
九國逡巡三戶勇，全吳戡定五胡來。  
運籌帷幄多謀士，決勝疆場有將才。  
看取明年春二月，昭和宮地野花開。

八年血戰起衰孱，漫道中興國步艱。  
四海流黎迷故土，百年喬木念鐘山。  
文章粹內存者宿風，概生平啓懦頑。  
洙泗三千門下士，魯魚誰自比曾顏。

殘年風雪任飈颺，松柏青蒼晚更遒。  
勁節比君多士重，清貧如我俗人羞。  
獨窮玄秘三更後，狼籍丹鉛萬卷頭。  
瀟灑草堂華髮叟，何時杖履武城遊。

先生客成都西郊，鄰杜工部草堂茅舍竹籬，潏然儒素。去年春曾來渝，中央訓練團高級班講學。

鈔埭蕭先生原作

臘鼓聲殘春又回人心經亂雜歡哀家貧妻爲無錢  
歎情重客因饋歲來劍外久期傳捷報忙中漸已盡  
詩才得天清福梅花厚含笑當窓爛熳開

冬留餘勇壓春孱歲盡翻思卒歲艱亂世室家皆火  
宅新年花鳥隔冰山米薪珍貴連城價松柏青蒼一  
味頑邨舍屠蘇猶辦得開樽薄醉發朱顏

終朝風雪共颼颼地蓄餘冬氣尚適陋室琴書陪我  
老故衣兒女向人羞梅開小小新移樹鏡點星星舊  
白頭明日陽和知可待尋春好續草堂遊

敵降喜賦

八年終見亡秦日喜極襟前淚縱橫萬戶鳴鞭喧捷訊一  
廬沽醉慶餘生春秋九世讎今復家國中興運應亨却笑  
長安偽冠冕幡然亦欲贊昇平

敵降喜賦一律承葉熊涂袁四先生先後見和因依  
前韻書近感並以奉酬

長夜漫漫方破曉悠悠魅影尚前橫即今結黨分牛李肯  
信同讎共死生事去鯨鯢餘罪譴時來鷄犬慶嘉亨輪君  
妙有相如筆莫賦京都飾太平

敵降既久家書不至煩憂賦此

浩劫紅羊失見幾推移長恨遠庭闌狼煙寂寞兵今息雁  
影丁零訊久違客淚每從秋雨濕歸心欲逐暮雲飛經年  
胡馬縱橫後敢信東離菊正肥

外患方平內難突起不得歸鄉先輩袁儀初先生旅  
寓江北不時寄眎新詩以慰岑寂此依其冬至不  
得出川韻成律奉酬予雖久慕儀初先生生平而  
相識則自近始夕陽明處驛吟鞭羸馬奚奴悄可憐空谷  
足音欣遇合渡江文字證因緣八牛皮骨磨兵氣四海萑  
苻阻客船莫讓草青東去路王孫飄泊未言旋

皮公皓白先生東歸有日袁儀初先生詩以送之示

予囑和因依韻成律呈皮先生并眎儀初先生

持歟文物盛江關畢路何人第一班十載春風遊鄂苑苑百

年喬木景湘山去齊何意傷哀鳳浮海無心學散鵬獨喜  
老人尚康健歲寒松柏挺蒼顏

敵降還都過城陵磯磯爲入湘門戶國事縻監不得

歸感賦

景色城陵接岳城八年重過感新生亡秦是否由三戶興  
夏艱難賴一成兩水合流危世淚羣山爭赴故園情祁陽  
觀舍知何處雲樹江天一望平

還都過武漢見瘡痍滿目先是舟中十餘日與外絕

緣旣抵武。漢驚悉內戰。有擴及全國之勢。慨然書此。  
八年于役。夔門內一日歸輪。到鄂州城郭。已非留戰壘人。  
情。日下逐江流。牆闕眼中興。日野哭。傷心四月秋。怕上  
城樓。凝睇望無邊。風物使人愁。

吳承燕翼予先生自臨川寄眎中秋書懷兩首并索  
和次韻爲報時予新宰寧岡翼予先生寧岡風雅

士善書畫詩詞

歲月匆匆忙裏過。何人對酒一高歌。感君雅句清音發動。  
我幽懷。逆興多。兩地苔岑情契合。遠天雲樹望如何。明秋  
願得成佳會。共上江樓玩月波。

旅雁長空又訴秋。客懷忐忑劇難休。高堂寂寞虧溫清。故國風雲夥校求。民俗敦淳慚宰德。江山錦繡費人謀。鳴琴未許追前哲。官廨宵旰獨自愁。

出席江西全省行政會議途中雜賦

八首

(一) 曉發新城向七溪嶺行進

遙見千峰雪。新城曉初單。輿衝伏莽雙。哨戒前途山。縣兵荒後書。生劫亂餘敢。云非百里只。覺吏才疏。

(二) 七溪嶺積雪道中

五年依日下。四月試州官。頓覺朱顏改。還驚束帶寬。千重銀巘寂。萬壑怒溪喧。照影征途雪。躡蹻感百端。

(三) 自永新沿禾川東下

平安欣過嶺，減從向廬陵。  
一道江光白，兩行山影青。  
會期漫屈指，邑務實關心。  
討賊師須出，催科急令丞。

(四) 遇敏弟對飲適值予生辰前夕

喜遇吉安市，連觥酒對傾。  
半生離亂恨，一夕弟兄情。  
貝錦施讒巧，湘纍發歲驚。  
明朝須北上，相望樹雲平。

(五) 夜雨

一夜廬陵雨，瀟瀟擾客思。  
兼程赴會議，何暇復瘡痍。  
賈傅陳書日，宣公發奏時。  
還看賢撫使，蒔菲不教遺。

(六) 別吉安北望時共黨倡亂徐州大戰已起

渡口驅車過飄然別吉州漫天寒雨泣四野朔風啾少正  
嵇誅戮驩兜未放流中興多難日徐克戰雲浮

(七) 車陷新淦邊鄙

黃昏天向曉泥淖陷征車行旅眉同蹙前村此路正賒朔風  
欺野犬寒雨急歸鴉中腹飢還亂萑苻莽似麻

(八) 到南昌赴會

滌瀕風塵裏艱辛入豫章舊交驚瘦影新雨接清光拙策  
深藏篋嘉言真滿堂江潯連九派守令盡循良

李俊一萍先生另一著作

# 中國宰相制度

商務印書館印行

(民國三十六年四月初版)

# 中國宰相制度

撰述經過及  
內容概要

三八

此書係作者在國立武漢大學法科研究所之研究論文，計分：秦漢，魏晉南北朝，隋唐五代，宋遼金元，明清五篇。前以導言，後以結論，每篇內分宰相名稱，宰相出身及其履歷，宰相職權，宰相官屬及其權限四章，職權章內復獨闢一目以探討宰相在實際政治上權力之消長，篇末復就較然大者著已見爲結論，至明清篇之結論則亦全書之結論也。導言係就秦以前商以後之政治社會情形作概括的敘述

，此書雖仍沿襲舊日官稱，以「宰相制度」名，實則係以「歷代政府之樞要機構及其演進」爲範圍而論著者也，全書凡二十萬言，此書旨在供大學或學院政治學系及歷史學系師生參攷之用，仍爲一般士人必須讀物云，

吉安  
大康紙張印刷廠承印  
地址：中山路

11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

